

## GURE GIZALDIKO JAZOERAK

Zeru-zabaldian gizon bat dabil kulunkatzen. Eunkida onen asieran sinistu-eziñeko egitea da ori.

Boer-gudeagaz asten da gizaldia eta berrog i urte geroago milloika il ziran mundu guztiko guda bietan eta anai-arteko gudak zenbatu ezin leikezan beste jazo ziran.

Nazitarrak egindako batze-zelaietan eta Sobiet'tarren presondegietan menpeko jopuen lanaz milloika il ziran.

Milloika geiago oraindiño gosez, lur-ikaraz eta izadiko beste ezbearrez il diranak. Gosez eta gaisoz milloika umeak oraindiño ilten dira eta millo geiago dira gaisorik, polioagaz eta bizi-aziñik dagozenak.

Gizaldi au asi zanean millo millo norki ziran munduko gizatalde guztien artean, 1930'ean bi millo millo, 1960'an iru millo millo, 1975'ean lau millo millo eta 1987'an bost millo millo.

Gizonak illargian oiña jarri eben eta umeak leiar-odietan sortzen asi ziran. Irrati, filmas, urrutikuskin egazkin eta abar agertu dira eta bir-aldaketa aundia. Atomo-guneazko lerkaiak, kimi-gaiak eta txismits-gaiak ugari eskuratu doguz. Mendirik aundienetara gizonak igon dabe, baita itxasoko zulorik sakonetara sartu be, lurraren ipar-burua ontziz igaro dabe eta zeru zabaleko bideetara ontziak bialdu.

Lenin, Hitler, Stalin, Mao Churchill, Gandhi, De Gaulle, Einstein, Juan XXIII aita Santua.... etorri ta joan egin dira.

\* \* \*

Gizaldi onek Eleizea be aldatu egin dau. Eleiz-Batzar Nagusia egin zan eta Eleizan buru bederatzi Aita Santu izan dauz, bat 32 urtean eta beste bat 33 egunean, azkenengoak bizirik, dirauala. Oraingo Aita Santu au au zauritua izan zan su-izkilluz San Pedro'ren enparantzan bertan 1981'eko orrillaren 13'an.

Australia'tarra dan Nellie Melba'k lenengo irrati-jardun alkartua egin eban Ingalterra'ko irrati-tresnan 1920'ko babillaren 15'ean.

Mundu guztirako lenengo irrati-ekiñaldia Iparramerikan 1906'an egin zan.

John Logie Baird Eskozia'tarrak ikusirratian sabel-iztun bigaz (bentrilokuo bigaz) lenengo ekiñaldia egin eban, ordura-artean iñoz agertu bako irudiak agertuz, London'en, 1926'ko urtarrillaren 27'an.

1987'ko abenduaren 31'n urtea segundo bat laburtu zan, Egutegi Gregorio'tarragaz bateratzeko.

LETONA'k.

### OARRA

Irakurle:

Zer'eri dagokion urteko saria ordaindu ez ba'dozu, ordaindu egizu **ainbat** lasterren. Igazkoa (1989) 1.000 pezeta da, eta urte barrirakoa (1990) beste 1.000. Ordaintzeko naikoa dozu txeke bat "euskerazaleak alkartea"-ren izenean bialtzea edo zeure banku-kontuaren zenbakia emotea.

DIRUZAIÑAK